

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-19342/25
Sarajevo, 04.09.2025. godine

Na osnovu člana 70. Zakona o javnim nabavkama ("Službeni glasnik", br. 39/14,59/22 i 50/24) i člana 26. Pravilnika o javnim nabavkama roba, vršenju usluga i ustupanju radova, br. 02/12-45-25701/22 od 10.12.2022. godine, u predmetu javne nabavke "Nabavka usluge kolektivnog osiguranja zaposlenih lica u Općini Novi Grad Sarajevo" u Konkurentskom postupku, objavljenom u Službenom glasniku BiH, br. 49/25 i Portalu javne nabavke br. 422-7-2-116-3-153/25 od 13.08.2025. godine, na Preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda ponuđača **UNIQA OSIGURANJE DD SARAJEVO**, sa ponudom u iznosu od 6.542,40 KM, u predmetu javne nabavke "Nabavka usluge kolektivnog osiguranja zaposlenih lica u Općini Novi Grad Sarajevo" u Konkurentskom postupku, objavljenom u Službenom glasniku BiH, br. 49/25 i Portalu javne nabavke br. 422-7-2-116-3-153/25 od 13.08.2025. godine, shodno članu 64. stav 1. tačka b. Zakona o javnim nabavkama.
2. Zadužuje se Služba za zajedničke poslove da obavjesti učesnike u Konkurentskom postupku javne nabavke o donošenju Odluke o dodjeli ugovora.
3. Zadužuje se izabrani ponuđač da dostavi ovjerene kopije uvjerenja iz člana 45. Zakona o javnim nabavkama i Izvještaj o stanju računa Centralne banke BiH u roku od 5 dana po prijemu ove Odluke.
4. Protiv ove Odluke dozvoljena je žalba u roku od 5 dana od dana prijema iste.

Obrazloženje

Postupak javne nabavke – Nabavka usluge kolektivnog osiguranja zaposlenih lica u Općini Novi Grad Sarajevo", pokrenut je u skladu sa članom 18. Zakona o javnim nabavkama u Konkurentskom postupku, objavljenom u Službenom glasniku BiH, br. 49/25 i Portalu javne nabavke br. 422-7-2-116-3-153/25 od 13.08.2025. godine.

Izvještajem i preporukom Komisije za javne nabavke roba i usluga utvrđeno je sljedeće:

- Da je Zapisnikom sa otvaranja ponuda od 25.08.2025. godine, konstatovano je da je zaprimljeno pet ponuda:
 1. CROATIA OSIGURANJE DD SARAJEVO, sa ponudom u iznosu od 13.920,00 KM.,
 2. SARAJEVO OSIGURANJE DD SARAJEVO, sa ponudom u iznosu od 19.975,20 KM.,
 3. ADRIATIC OSIGURANJE DD SARAJEVO, sa ponudom u iznosu od 14.929,20 KM.,
 4. UNIQA OSIGURANJE DD SARAJEVO, sa ponudom u iznosu od 6.542,40 KM.,
 5. GRAWE OSIGURANJE DD SARAJEVO, sa ponudom u iznosu od 14.964,00 KM.
- Da je detaljnom analizom pristiglih ponuda, odnosno dokumentacije koja se nalazi u sastavu ponuda, Komisija utvrdila da ponude svih ponuđača ispunjavaju uslove specificirane tenderskom dokumentacijom, te da su iste računski ispravne,
- Da je ponuda ponuđača **UNIQA OSIGURANJE DD SARAJEVO** u iznosu od 6.542,40 KM najpovoljnija, primjenom kriterija najniža cijena,
- Da je navedena ponuda više od 50 % niža od prosjeka preostalih prihvatljivih ponuda koje su podnešene u predmetnom postupku javne nabavke,
- Da je Komisija za javne nabavke roba i usluga uputila navedenom ponuđaču Zahtjev za pojašnjenje neprirodno niske cijene, shodno članu 66. Zakona o javnim nabavkama kao i člana 17. stav 7. Uputstva za pripremu modela tenderske dokumentacije i ponuda ("Službeni Glasnik BiH", br. 90/14 i 20/15), br. 02/12-45-19342/25 od 01.09.2025. godine.

- Da je navedeni ponuđač svojim aktom od 02.09.2025. godine obrazložio razloge ponuđene cijene navodeći da je ista utemeljena na važećoj tarifi UNIQA OSIGURANJA DD SARAJEVO, odobrenoj od strane Agencije za nadzor osiguranja F BiH, da je u cjelosti zakonita, održiva i tržišno opravdana jer je cijena prilikom izrade ponude formirana putem službenog kalkulatora osiguranja koji se primjenjuju za ovakvu vrstu kolektivnih ugovora, uzimajući u obzir broj osiguranih osoba, tip pokrića, trajanje ugovora, način plaćanja i druge relevantne parametre, a naročito što u permetnom postupku javne nabavke nije predviđeno provođenje e – aukcije pri čemu je odmah ukalkulisan popust od 40%, te je ponuđena cijena najniža, a što je uobičajno kod osiguranja velikog broja lica (u konkretnom slučaju 290).

Takođe, u dostavljenom pojašnjenju se navodi da je analizom kolektivnih ugovora na tržištu pokazalo se da su cijene uz primjenu propisanih popusta česta praksa kod renomiranih osiguravajućih društava čime se potvrđuje da njihova ponuda nije izuzetak već uobičajni model poslovanja u skladu sa tržišnim pravilima, imajući u vidu da posjeduju dugogodišnje iskustvo u realizaciji sličnih i složenijih ugovora pri čemu njihovi kadrovski, tehnički i organizacijski kapaciteti omogućavaju potpuno izvršavanje svih ugovorenih obaveza uz visok nivo profesionalizma i pravne sigurnosti za ugovorni organ.

- Da je Komisija za javne nabavke roba i usluga navode istaknute u navedenom aktu ponuđača UNIQA-e OSIGURANJA DD SARAJEVO, prihvatila kao osnovane, shodno članu 66. Zakona o javnim nabavkama.

Obzirom da se radi o Konkurentskom postupku, objavljenom u Službenom glasniku BiH, br. 49/25 i Portalu javne nabavke, broj obavještenja 422-7-2-116-3-153/25 od 13.08.2025. godine, da je dostavljeno pet ponuda koje ispunjavaju uslove specificirane tenderskom dokumentacijom, to je na Preporuku Komisije za javne nabavke roba i usluga, primjenom kriterija najniža cijena, shodno članu 64. stav 1. tačka b. Zakona o javnim nabavkama, odlučeno kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila: Komisija za javne nabavke roba i usluga

DOSTAVITI:

1. Služba za zajedničke poslove
2. U spis

Općinski načelnik
mr Senir Efendić

